

Bosna i Hercegovina  
Federacija Bosne i Hercegovine  
**KANTON SARAJEVO**  
Zavod za izgradnju Kantona



Босна и Херцеговина  
Федерација Босне и Херцеговине  
**КАНТОН САРАЈЕВО**  
Завод за изградњу Кантона

Bosnia and Herzegovina  
Federation of Bosnia and Herzegovina

**CANTON SARAJEVO**  
Canton Development Institute

**VODIČ**  
**ZA PRISTUP INFORMACIJAMA**  
**U ZAVODU ZA IZGRADNJU KANTONA SARAJEVO**

**Sarajevo, septembar 2019.godine**



---

e-mail: [zik@zik.ks.gov.ba](mailto:zik@zik.ks.gov.ba), <http://zik.ks.gov.ba>  
Tel: + 387 (0) 33 254-900, + 387 (0) 33 254-945,  
+ 387 (0) 33 254-921  
Fax: + 387 (0) 33 226-523  
Sarajevo, Kaptol 3



Bosnia and Herzegovina  
Federation of Bosnia and Herzegovina

**CANTON SARAJEVO**  
**Canton Development Institute**

Na osnovu člana 66. stav 3. Zakona o organizaciji organa uprave u Federaciji BiH („Službene novine FBiH” br. 35/05) i člana 20. Zakona o slobodi pristupa informacijama u Federaciji BiH („Službene novine Federacije BiH”, broj 32/2001, 48/11) direktor Zavoda za izgradnju Kantona Sarajevo, **d o n o s i**

**V O D I Č**

**ZA PODNOSIOCE ZAHTJEVA ZA PRISTUP INFORMACIJAMA**

**U V O D**

Vodič treba da pomogne podnosiocima zahtjeva kako bi ostvarili svoja prava u skladu sa Zakonom o slobodi pristupa informacijama u Federaciji BiH („Službene novine Federacije BiH”, broj 32/2001, 48/11).

Svrha Vodiča je da sva zainteresovana lica uputi kako mogu što jednostavnije doći do informacija koje su pod kontrolom Zavoda za izgradnju Kantona Sarajevo (u daljem tekstu: *Zavod*).

Vodič će pružiti odgovore na sljedeća pitanja:

- a) koje informacije podnosioc može tražiti;
- b) kako može dobiti traženu informaciju;
- c) kako treba napisati zahtjev za pristup informaciji;
- d) u kojem roku je Zavod obavezan da odgovori na zahtjev;
- e) na koji način podnosioc može dobiti odgovor;
- f) ako podnosioc nije zadovoljan koja su njegova prava.

Za sva dodatna pitanja na raspolaganju je ovlaštenu službenik za informisanje: Sanida Pašić, Kaptol 3, Sarajevo.

**KOJE INFORMACIJE MOŽETE TRAZITI?**

Možete tražiti svaku informaciju koja je pod kontrolom Zavoda, osim one koja, prema Zakonu o slobodi pristupa informacijama u Federaciji BiH, može biti izuzeta od objavljivanja.

Odgovor može u cjelosti ili djelimično biti uskraćen, ukoliko se Vaše pitanje odnosi na:





Bosnia and Herzegovina  
Federation of Bosnia and Herzegovina

**CANTON SARAJEVO**  
**Canton Development Institute**

1. U vezi sa djelokrugom rada Zavoda i kada se osnovano može očekivati izazivanje značajne štete za sljedeće legitimne ciljeve FBiH:
  - a) interese odbrane i sigurnosti, kao i zaštitu javne sigurnosti;
  - b) sprečavanje kriminala i otkrivanje kriminala;
  - c) zaštita postupka donošenja odluka u Zavodu, uključujući davanje mišljenja, savjeta i preporuka (bilo da se radi o osobi zaposlenoj u Zavodu ili drugoj osobi koja radi za ili u ime Zavoda), s tim da to ne obuhvata činjenične, statističke, znanstvene ili tehničke informacije;
  - d) u vezi sa povjerljivim komercijalnim informacijama;
  - e) u vezi zaštite privatnosti;
2. Zahtjevu za pristup informacijama, koje su Zakonom o slobodi pristupa informacijama u Federaciji Bosne i Hercegovine izuzete od objavljivanja, neće se udovoljiti, a razlozi će biti obrazloženi u rješenju.
3. U slučaju da se donese rješenje kojim se odbija zahtjev za pristup informacijama, rješenje se dostavlja podnosiocu zahtjeva, navodeći zakonski osnov za status izuzeća informacije, zatim sva materijalna pitanja koja su uticala na donošenje rješenja, te rok u kom se podnosi žalba u skladu sa Zakonom o upravnom postupku («Službene novine Federacije Bosne i Hercegovine» br. 2/98,48/99), kao i pouku o pravu obraćanja Ombudsmanima u Bosni i Hercegovini.

**KAKO MOŽETE DOBITI TRAŽENU INFORMACIJU?**

- (1) Vaše pravo na pristup informacijama možete ostvariti podnošenjem zahtjeva.
- (2) U slučaju potrebe za dodatnim obrazloženjima i uputama, možete se obratiti službeniku za informisanje.
- (3) Zahtjev za pristup informacijama treba:
  - da bude u pisanoj formi i na jednom od službenih jezika u Federaciji Bosne i Hercegovini;
  - da sadrži dovoljno podataka o prirodi i sadržaju tražene informacije kako bi se omogućilo da Zavod pronade traženu informaciju;
  - da sadrži ime i prezime, adresu i po mogućnosti broj telefona podnosioca zahtjeva;
  - da sadrži napisan način na koji se želi pristupiti informaciji (neposredan uvid u informaciju, slanje informacije na kućnu adresu, umnožavanje informacije i sl).





Bosnia and Herzegovina  
Federation of Bosnia and Herzegovina

**CANTON SARAJEVO**  
**Canton Development Institute**

Kada povodom Vašeg pismenog zahtjeva Zavod dozvoli pristup informacijama u cijelosti ili djelimično, rješenjem će Vas obavijestiti:

- o mogućnosti ličnog pristupa informaciji u prostorijama Zavoda ili će podnosiocu dostaviti informaciju u pismenoj formi, ako je ista kraća od deset strana i
- o mogućnosti umnožavanja informacije koja sadrži preko deset strana, kao i obavezi podnosioca zahtjeva da izvrši uplatu u vidu naknade troškova blagajni Zavoda.

Naknada se naplaćuje za tražene usluge umnožavanja:

- 0,50 KM za svaku stranicu standardne veličine koja prelazi 10 (deset) prvih besplatnih stranica
- 5 (pet) KM po disketi za elektronsku dokumentaciju.

**ROK ZA RJEŠAVANJE ZAHTJEVA**

- (1) Zavod je dužan Vaš zahtjev riješiti u roku od 15 dana od dana podnošenja zahtjeva. U slučaju da se Vaš zahtjev ne riješi u ovom roku, Zavod će vas pismeno obavijestiti o razlozima.
- (2) Rok od 15 dana može biti duži u sljedećim slučajevima:
  - kada je prethodno potrebno dobiti izjašnjenje treće strane o saglasnosti za objavljivanje informacija koje sadrže povjerljive podatke;
  - kada je Zavod dužan obavijestiti treću stranu da će zbog postojanja javnog interesa, ipak saopćiti informaciju koja je Zakonom utvrđena kao izuzetak od saopćenja.
- (3) Ukoliko podnosilac zahtjeva, traži pristup informacijama za koje nije nadležan Zavod, Vaš zahtjev ćemo proslijediti nadležnom javnom organu najkasnije 8 (osam) dana od njegovog prijema, o čemu ćemo Vas pismeno obavijestiti.
- (4) Na pojedine zahtjeve za pristup informacijama možete dobiti odgovor odmah, obraćajući se usmeno službeniku za informisanje.

**AKO NISTE ZADOVOLJNI, KOJA SU VAŠA PRAVA?**

Zavod je dužan da u rješenju, kojim Vas kao podnosioca zahtjeva obavještava da se odbija pristup traženoj informaciji u cjelosti ili djelimično, navede i sljedeće:

- zakonski osnov za status izuzeća informacije, uzimajući u obzir i faktor javnog interesa;





Bosnia and Herzegovina  
Federation of Bosnia and Herzegovina

**CANTON SARAJEVO**  
**Canton Development Institute**

- pouku o pravu na žalbu nadležnom organu, a što uključuje neophodne podatke za kontaktiranje tog organa (adresa i telefon),
- rok za podnošenje žalbe,
- uputstvo o pravu da se obratite Ombudsmenu za ljudska prava Bosne i Hercegovine, te podatke za kontaktiranje sa ovom institucijom.

### ZAVRŠNE I PRELAZNE ODREDBE

- 1) Ovaj Vodič stupa na snagu danom donošenja.
- 2) Stupanjem na snagu ovog Vodiča prestaje da važi Vodič za pristup informacijama u Zavodu za izgradnju Kantona Sarajevo broj: 05-068-728 od 27.05.2015. godine.
- 3) Vodič je besplatan i može se dobiti u Zavodu za izgradnju Kantona Sarajevo, a dostupan je i na službenoj web stranici Zavoda.
- 4) U prilogu Vodiča se nalazi obrazac zahtjeva za pristup informacijama i Indeks registra, koji se mogu besplatno preuzeti u prostorijama Zavoda ili na službenoj web stranici Zavoda.



Mirza Hulusić, dipl.ing.arh.

Broj: 01-021-790/19  
Datum: 26.09.2019.



e-mail: [zik@zik.ks.gov.ba](mailto:zik@zik.ks.gov.ba), <http://zik.ks.gov.ba>  
Tel: + 387 (0) 33 254-900, + 387 (0) 33 254-945,  
+ 387 (0) 33 254-921  
Fax: + 387 (0) 33 226-523  
Sarajevo, Kaptol 3